



Broj: 01-509-1/24  
Mostar, 30.04.2024. godine

Na osnovu člana 20. Statuta Operatora za obnovljive izvore energije i efikasnu kogeneraciju („Službene novine Federacije BiH“, br. 89/20 i 101/22), na prijedlog Direktora, Upravni odbor Operatora za OIEiEK na 2. sjednici, održanoj dana 30.04.2024. godine, donosi

## ODLUKU

### Član 1.


Usvaja se Nacrt Pravilnika o garancijama porijekla, broj: 01-509/24 od 30.04.2024. godine, koji čini sastavni dio ove odluke.

### Član 2.

Zadužuje se Uprava Operatora za OIEiEK da o Nacrtu Pravilnika iz člana 1. ove odluke, provede Javnu raspravu u roku od 30 dana, te nakon toga sačini Izveštaj o održanoj Javnoj raspravi i Upravnom odboru predloži konačan tekst Pravilnika o garancijama porijekla.

### Član 3.

Odluka stupa na snagu danom donošenja.



v.d. PREDSJEDNIKA

  
Prof.dr. Haris Lulić

Na osnovu člana 18. stav (8) Zakona o korištenju obnovljivih izvora energije i efikasne kogeneracije ("Službene novine Federacije BiH", broj: 82/23), člana 26. Statuta Operatora za obnovljive izvore energije i efikasnu kogeneraciju („Službene novine Federacije BiH”, broj: 89/20 i 101/22), na prijedlog Direktora, Upravni odbor Operatora za obnovljive izvore energije i efikasnu kogeneraciju, na 2. sjednici, održanoj dana 30.04.2024. godine, donosi sljedeći

**Nacrt**  
**PRAVILNIKA**  
**O GARANCIJAMA PORIJEKLA**

**Član 1.**  
**(Predmet)**

Pravilnikom o garancijama porijekla (u daljem tekstu: Pravilnik) uređuje se:

- a) pojam, svrha, način izdavanja i sadržaj garancija porijekla
- b) softversko rješenje za izdavanje, prenos i poništenje garancija porijekla - elektronska platforma (u daljem tekstu: ePlatforma)
- c) procedura registracije i zatvaranja korisničkog računa u ePlatformi;
- d) procedura registracije proizvodnog postrojenja u ePlatformi;
- e) sadržaj zahtjeva za izdavanje garancije porijekla;
- f) obaveze korisnika ePlatforme;
- g) procedura za prenos garancija porijekla;
- h) procedura za poništavanje garancija porijekla;
- i) procedura za povlačenje garancija porijekla
- j) procedure za monitoring,
- k) Registar garancija porijekla
- l) uvid u registar izdatih, prenesenih i poništenih garancija porijekla.

**Član 2.**  
**(Cilj Pravilnika)**

Cilj donošenja ovog Pravilnika je uspostavljanje sistema za izdavanje, prenos i poništavanje garancija porijekla električne energije.

**Član 3.**  
**(Definicije)**

(1) Definicije i izrazi koji se koriste u ovom Pravilniku imaju značenje utvrđeno Zakonom o električnoj energiji u Federaciji Bosne i Hercegovine („Službene novine Federacije”, broj: 60/23) i Zakonom o korištenju obnovljivih izvora energije i efikasne kogeneracije („Službene novine Federacije”, broj: 82/23) (u daljnjem tekstu: Zakon).

(2) Pojedini izrazi u smislu ovog Pravilnika imaju sljedeće značenje:

- AIB EECS FACT SHEET 5 - Tablica primarnih izvora energije i tehnologija koju objavljuje krovna europska organizacija koja organizira rad tijela za izdavanje garancija porijekla (Association of Issuing Bodies - AIB), registrirana u Bruxellesu, Belgija;

- domena – područje u kojem se nalaze proizvodna postrojenja za koja tijelo nadležno za izdavanje garancija porijekla izdaje garancije porijekla;
- povlačenje garancija porijekla – postupak nad garancijom porijekla u ePlatformi u slučaju pogreške prilikom njegovog izdavanja i prenosa te u slučaju zatvaranja korisničkog računa;

#### **Član 4. (Pojam garancije porijekla)**

Garancija porijekla znači ispravu kojom se krajnjem korisniku potvrđuje da je dati udio ili količina električne energije proizvedena u postrojenju korištenjem obnovljivih izvora energije i da odgovara iznosu proizvedene električne energije od 1MWh.

#### **Član 5. (Svrha izdavanja garancije porijekla)**

Garancija porijekla se izdaje na zahtjev kvalifikovanog proizvođača u svrhu dokazivanja da je porijeklo električne energije koja je proizvedena u njihovim postrojenjima iz obnovljivih izvora energije.

#### **Član 6. (ePlatforma)**

- (1) ePlatforma je softversko rješenje za izdavanje, prenosa, i poništenja garancija porijekla.
- (2) Korisnici ePlatformi pristupaju putem poveznice date na internet stranici Operatora za OIEiEK.
- (3) ePlatforma nije dostupna za vrijeme njenog redovnog održavanja i redovnog održavanja elektroničke veze prema ostalim domenama. Operator za OIEiEK je dužan obavijestiti korisnike ePlatforme o radovima na njenom održavanju i predviđenom trajanju radova na svojoj internetskoj stranici tri radna dana prije početka radova.
- (4) Operator za OIEiEK je dužan obavijestiti korisnike ePlatforma na svojoj internetskoj stranici o ponovnoj uspostavi rada nakon ponovnog početka rada Registra.
- (5) Operator za OIEiEK nije odgovoran za štetu nastalu tokom radova iz stav (3) ovog člana i štetu nastalu kao posljedica kvara na ePlatformi ili elektronskoj vezi prema ostalim registrima iz druge domene.

#### **Član 7. (Registracija korisničkog računa u ePlatformi)**

- (1) Za potrebe vođenja i upisa u ePlatformu kreira se korisnički račun, u svrhu provođenja svih postupaka koji se obavljaju nad garancijama porijekla, što podrazumijeva izdavanje, prenos (uključujući uvoz i izvoz gdje je primjenljivo), i poništenje garancija porijekla.
- (2) Korisnički račun unutar ePlatforme sadrži:
  - izdane garancija porijekla;
  - uvezene garancije porijekla s podacima u kojoj domeni su izdane;
  - izvezene garancije porijekla s podacima u koju domenu su izvezene;

- poništene garancije porijekla sa svim podacima u koju svrhu se poništavaju i podacima o vlasniku poništenih garancija porijekla;
- povučene garancija porijekla zbog pogreške prilikom izdavanja i prenosa;
- garancije porijekla kojim je istekao rok važenja i koja nisu poništena tokom dopuštenog perioda korištenja.

(3) Svi korisnici sistema garancija porijekla moraju imati registrovan korisnički račun u ePlatformi.

(4) Zahtjev za registraciju korisničkog računa u ePlatformi, uz dostavljanje odgovarajuće dokumentacije, kvalifikovani proizvođač i snabdjevač podnose Operatoru za OIEiEK na Obrascu GP1, koji je sastavni dio ovog Pravilnika.

(5) Zahtjev za registraciju korisničkog računa u ePlatformi mogu podnijeti kvalifikovani proizvođači električne energije, za postrojenja čiju proizvedenu električnu energiju ne otkupljuje Operator za OIEiEK.

(6) Nakon provedenog postupka, Operator za OIEiEK donosi rješenje kojim se odobrava kreiranje korisničkog računa u ePlatformi.

(7) Rješenje iz stava (6) ovog člana je osnov za zaključenja Ugovora o korištenju ePlatforme, između korisnika računa i Operatora za OIEiEK. Zaključivanjem ugovora aktivira se korisnički račun.

(8) Ugovor o korištenju ePlatforme, uređuje međusobna prava i obaveze korisnika ePlatforme i Operatora za OIEiEK, korisničko ime i jedinstvenu šifru korisnika, naknadu štete u slučaju nepravilnosti u korištenju ePlatforme, snošenje troškova za naknade definisane ovim Pravilnikom, uslove raskida ugovora, uslove izmjena ugovora, povjerljivost informacija, odredbe o slučajevima deaktivacija proizvodnog postrojenja iz ePlatforme, te ostale ugovorne obaveze između korisnika ePlatforme i Operatora za OIEiEK.

(9) Prvo obračunski mjerni period iz člana 10. ovog Pravilnika, započinje teći od dana aktivacije korisničkog računa.

## **Član 8.**

### **(Registracija proizvodnog postrojenja)**

(1) Zahtjev za registraciju proizvodnog postrojenja u ePlatformi može podnijeti kvalifikovani proizvođač koji ima aktiviran korisnički račun u ePlatformi, na Obrascu GP2 i uz prilaganje odgovarajuće dokumentacije.

(2) U slučaju da kvalifikovani proizvođač ima više postrojenja za svako postrojenje se podnosi pojedinačan zahtjev.

(3) Proizvodno postrojenje se registruje na period od pet godina od dana registrovanja u ePlatformi.

(4) Korisnik ePlatforme u obavezi je podnijeti zahtjev za produženje registracije proizvodnog postrojenja na obrascu iz stava (1) ovog člana i to najkasnije 30 dana prije isteka roka registracije.

## **Član 9.**

### **(Zahtjev za izdavanje garancija porijekla)**

(1) Garancije porijekla izdaju se na osnovu zahtjeva za izdavanje garancija porijekla, koji se podnosi putem korisničkog računa u ePlatformi.

(2) Garancije porijekla izdaju se na korisnički račun.

#### **Član 10.**

##### **(Način izdavanja garancije porijekla)**

(1) Garancija porijekla se izdaje jednom za određene količine električne energije proizvedene u određenom periodu o čemu se vodi posebna evidencija.

(2) Obračunski mjerni period u kome je izvršena proizvodnja električne energije za koju kvalifikovani proizvođač traži izdavanje garancija porijekla, ne može biti manje od jednog kalendarskog mjeseca, niti duže za:

- a) postrojenje instalisane snage veće od 2 kW do i uključujući 23 kW – 12 mjeseci,
- b) postrojenje instalisane snaga većih od 23 kW do i uključujući 150 kW – 3 mjeseca,
- c) postrojenje instalisane snage veće od 150 kW – 1 mjesec.

(3) Prilikom izdavanja garancija porijekla vremenski periodi iz stava (1) ovog člana se primjenjuju počevši od prethodnog kalendarskog mjeseca u odnosu na datum podnošenja zahtjeva za izdavanje garancija porijekla.

(4) Količina električne energije za koju se izdaje garancija porijekla zaokružuje se na cjelobrojnu vrijednost u MWh. Količina energije koja preostane iznad cjelobrojne vrijednosti u MWh prenosi se za sljedeće obračunski mjerni period.

(5) Garancije porijekla iz stava (3) ovog člana izdaju se prema podacima o količini proizvedene električne energije, izmjerene na mjestu predaje u mrežu za svaki proizvodni objekat, a u skladu sa Zapisnikom o očitavanju mjernog mjesta, koji izdaje nadležni operator sistema.

(6) Garancije porijekla za prosumerska postrojenja, bez obzira na veličinu postrojenja, izdaju se na zahtjev, za obračunski mjerni period od 12 mjeseci.

(7) Ukoliko je potrošnja prosumera kao krajnjeg kupca bila manja od proizvodnje njegovog postrojenja, garancije porijekla se izdaju samo za količinu energije koju je prosumer potrošio kao krajnji kupac. Ukoliko je potrošnja prosumera kao krajnjeg kupca bila veća od proizvodnje njegovog postrojenja, garancija porijekla se izdaje samo za količinu energije proizvedene u njegovom postrojenju.

#### **Član 11.**

##### **(Izdavanje garancije porijekla za posebna postrojenja)**

(1) Za električnu energiju proizvedenu iz komunalnog otpada, garancija porijekla se izdaje samo za dio električne energije proizvedene iz biorazgradivih frakcija otpada.

(2) Za električnu energiju proizvedenu u hibridnom postrojenju, garancija porijekla se izdaje samo za onaj dio električne energije proizveden iz obnovljivih izvora energije. (3) Garancija porijekla se ne izdaje za električnu energiju proizvedenu iz pumpnih hidroelektrana korištenjem vode kojom je, prethodno, akumulacija napunjena u pumpnom režimu rada hidroelektrane.

#### **Član 12.**

##### **(Način dostavljanja podataka potrebnih za izdavanje garancija porijekla)**

(1) Garancija porijekla električne energije proizvedene iz obnovljivih izvora energije se izdaje na osnovu:

- a) podataka o proizvedenoj električnoj energiji iz Zapisnika o očitavanju mjernog mjesta, dobijenih od kvalifikovanog proizvođača električne energije iz OIE, i
  - b) podataka dobijenih od nadležnog operatora sistema.
- (2) Podatke iz stava (1) ovog člana nadležni operator sistema, dostavlja Operatoru za OIEiEK u skladu sa Ugovorom o uređenju međusobnih odnosa.

### **Član 13.** **(Sadržaj garancije porijekla)**

- (1) Jedna Garancija porijekla odgovara količini električne energije od 1MWh.
- (2) Garancija porijekla obavezno sadrži podatke o:
- a) vlasniku postrojenja i adresi vlasnika,
  - b) lokaciji postrojenja, instalisanoj snazi i datumu početka rada postrojenja,
  - c) tehničkim karakteristikama postrojenja, izvorima energije (energentima) iz kojih je proizvedena električna energija, poredanih prema obimu korištenja, uključujući i informaciju u kom obimu (postotku) je električna energija proizvedena iz OIE u slučaju hibridnih postrojenja, količini proizvedene električne energije za jedan ili više punih kalendarskih uzastopnih mjeseci,
  - d) tome da li je postrojenje imalo koristi od investicionih podsticaja,
  - e) tome da li je količina električne energije, za koju se izdaje garancija porijekla, na bilo koji drugi način bila u sistemu podsticanja
  - f) datumu i državi izdavanja i
  - g) jedinstvenom identifikacionom broju izdate garancije porijekla
  - h) obračunskom periodu za koji se izdaje garancija porijekla.
  - i) druge neophodne podatke.

### **Član 14.** **(Obaveze korisnika ePlatforme)**

- (1) Ukoliko dođe do promjene tehno-energetskih karakteristika proizvodnog objekta ili promjene energenta koji se koristi u proizvodnom objektu kvalifikovani proizvođač je dužan obavijestiti Operator za OIEiEK o promjenama, u roku od osam dana od dana nastanka promjene.
- (2) Ukoliko dođe do promjena podataka dostavljenih prilikom registracije korisničkog računa, kvalifikovani proizvođač ili snabdjevač su dužni obavijestiti Operator za OIEiEK o promjenama, u roku od osam dana od dana nastanka promjene.
- (3) Uz obavještenja iz st. (1) i (2) ovog člana kvalifikovani proizvođač ili snabdjevač dostavljaju odgovarajuću prateću dokumentaciju.
- (4) Korisnik ePlatforme je dužan čuvati dodijeljeno korisničko ime i šifru te je odgovoran za zaštitu njihove tajnosti.

### **Član 15.** **(Procedure za monitoring)**

- (1) Operator za OIEiEK ima slobodan pristup postrojenjima kvalifikovanih proizvođača registrovanih u ePlatformi, kao i svim podacima koji se odnose na postrojenja i energente koji

se u njima koriste, s ciljem provjere ispunjenosti svih kriterija za izdavanje garancije porijekla, te potvrđivanja da su svi podaci u ePlatformi validni.

(2) Ispunjenost kriterija iz stava (1) ovog člana utvrđuje se pregledom dokumentacije iz člana 8. stav (3) ovog Pravilnika i, po potrebi, neposrednim uvidom u rad proizvodnog objekta u skladu sa članom 21. Zakona.

#### **Član 16. (Prenos garancija porijekla)**

(1) Operator za OIEiEK vrši prenos garancija porijekla na osnovu zaprimljenog naloga, putem korisničkog računa u ePlatformi.

(2) Prenos iz stava (1) ovog člana vrši se na korisnički račun snabdjevača u ePlatforme.

(3) Snabdjevač iz stava (2) ovog člana, može prenesene garancije porijekla poništiti za račun krajnjeg kupca električne energije.

(4) Kvalifikovani proizvođači od kojih Operator za OIEiEK otkupljuje električnu energiju nemaju pravo na izdavanje garancije porijekla.

(5) Nakon izvršenog prenosa garancija porijekla na korisnički račun snabdjevača, kvalifikovani proizvođač koji je zadao elektronski nalog za prenos garancija porijekla, više ne može obavljati postupke nad ovim prenesenim garancijama porijekla.

(6) Garancija porijekla za električnu energiju proizvedenu u postrojenjima OIE kvalifikovanih proizvođača od kojih Operator za OIEiEK otkupljuje električnu energiju automatski se prenosi snabdjevačima koji imaju obavezu otkupa električne energije iz OIE, u skladu sa članom 59. stav (8) Zakona, a što je regulisano Metodologijom iz Priloga 1 ovog Pravilnika.

#### **Član 17. (Poništenje garancije porijekla)**

(1) Snabdjevač električne energije na kojeg su prenesene garancije porijekla obavezan je da podnese nalog za poništenje garancija porijekla električne energije, koje je iskoristio kako bi krajnjem kupcu dokazao udio električne energije iz obnovljivih izvora u ukupnoj isporučenoj električnoj energiji.

(2) Nalog iz stava (1) ovog člana snabdjevač podnosi elektronski, putem svog korisničkog računa.

(3) Nakon provjere ispravnosti zaprimljenog naloga iz stava (1) ovog člana, te verifikacije podataka potrebnih za poništenje, Operator za OIEiEK će, na korisničkom račun snabdjevača, izvršiti poništenje garancija porijekla, te o istom izdati potvrdu.

(4) Potvrda iz stava (3) ovog člana snabdjevaču služi u svrhu dokazivanja kupcu da mu je isporučio električnu energiju iz OIE u iznosu koji je naveden u potvrdi.

(5) Garancije porijekla koje se, na zahtjev, izdaju prosumerskom postrojenju se odmah po izdavanju i poništavaju na samog prosumera.

(6) Garancije porijekla koja se ne iskoriste/ponište u roku od 12 mjeseci od datuma izdavanja koriste se za utvrđivanje porijekla električne energije prema Pravilniku o metodologiji godišnjeg utvrđivanja porijekla električne energije koju donosi Regulatorna komisija za energiju u Federaciji BiH, u skladu sa Zakonom.

**Član 18.**  
**(Povlačenje garancija porijekla )**

- (1) Ukoliko izdata garancija porijekla sadrži nepravilnost, Operator za OIEiEK je dužan garanciju porijekla povući, prije nego ista bude prenesena, o čemu obavještava korisnika ePlatforme.
- (2) Ukoliko je garancija porijekla iz stava (1) ovog člana prenesena unutar domene Federacije BiH, Operator za OIEiEK je u obavezi osigurati povlačenje garancija porijekla u skladu sa ugovorom iz člana 7. stav (9) ovog Pravilnika.
- (3) Ukoliko je garancija porijekla iz stava (1) ovog člana prenesena izvan domene Federacije BiH, Operator za OIEiEK će obavijestiti tijelo nadležno za izdavanje garancija porijekla iz te domene, kako bi se osiguralo povlačenje predmetne garancije porijekla.
- (4) U slučaju da je Operator za OIEiEK obaviješten o pogrešci u garanciji porijekla nakon uvoza iz druge domene, Operator za OIEiEK osigurava povlačenje garancije porijekla u skladu sa ugovorom iz člana 7. stav (9) ovog Pravilnika.
- (5) Korisnik ePlatforme je u obavezi obavijestiti pisanim ili elektronskim putem Operator za OIEiEK o svim uočenim greškama unutar ePlatforme, a koje je Operator za OIEiEK u obavezi otkloniti u roku od 15 dana od prijema obavijesti.

**Član 19.**  
**(Zatvaranje korisničkog računa)**

- (1) Operator za OIEiEK donosi rješenje o zatvaranju korisničkog računa u sljedećim slučajevima:
  - a) na zahtjev korisnika ePlatforme,
  - b) u slučaju da korisnik računa izgubi status kvalifikovanog proizvođača,
  - c) u slučaju da korisnik računa izgubi Dozvolu za rad/Licence, ukoliko je obavezan da je ima,
  - d) u slučaju da korisnik računa krši odredbe ugovora zaključenog sa Operatorom za OIEiEK, te
  - e) u slučaju da korisnik računa krši odredbe ovog Pravilnika.
- (2) Zahtjev iz stava (1) tačka a) ovog člana se podnosi na Obrascu GP3, koji je sastavni dio ovog Pravilnika.
- (3) Operator za OIEiEK donosi rješenje o zatvaranju korisničkog računa u roku od 10 dana od dana zaprimanja potpunog zahtjeva iz stava (2) ovog člana.
- (4) Operator za OIEiEK donosi rješenje o zatvaranju korisničkog računa, u roku od 5 dana od dana zaprimanja informacije, o slučajevima navedenim u tč. b), c), d) i e) stava (1) ovog člana.
- (5) Nakon zatvaranja korisničkog računa, garancije porijekla koje su preostale na korisničkom računu se povlače i koriste za utvrđivanje porijekla električne energije prema Pravilniku o metodologiji godišnjeg utvrđivanja porijekla električne energije koju donosi Regulatorna komisija za energiju u Federaciji BiH, u skladu sa Zakonom.
- (6) Korisnik ePlatforme je dužan platiti sve dospjele obaveze prema Operatoru za OIEiEK vezane za korištenje ePlatforme do dana zatvaranja korisničkog računa.



**Član 20.**  
**(Registar garancija porijekla)**

- (1) Registar izdatih, prenesenih i poništenih garancija porijekla električne energije (u daljem tekstu: Registar) vodi Operator za OIEiEK, u elektronskom obliku.
- (2) Uvid u Registar je javan i dostupan na internet stranici Operatora za OIEiEK.
- (3) Operator za OIEiEK ažurira Registar jednom mjesečno.

**Član 21.**  
**(Uputstvo za korištenje ePlatforme)**

Operator za OIEiEK će donijeti Uputstvo za korištenje ePlatforme.

**Član 22.**  
**(Tumačenje pravilnika)**

- (1) Tumačenje odredbi ovog Pravilnika daje Operator za OIEiEK.
- (2) Izmjene i dopune ovog Pravilnika vrše se po istom postupku koji se primjenjuje za njegovo donošenje.

**Član 23.**  
**(Završne odredbe)**

- (1) Ovaj Pravilnik stupa na snagu osmog dana od dana objavljivanja u Službenim novinama Federacije BiH.
- (2) Stupanjem na snagu ovog Pravilnika prestaje da važi Pravilnik o postupku podnošenja zahtjeva za izdavanje garancije porijekla električne energije („Službene novine Federacije BiH“, br. 101/15 i 101/23), te Pravilnik za prenos garancija porijekla za električnu energiju proizvedenu u postrojenju privilegovanih proizvođača broj: 01-1374/18 od 19.12.2018. godine.

Broj: 01-509/24  
Mostar, 30.04.2024. godine



**v.d. PREDSJEDNIKA**

  
**Prof. dr. Haris Lulić**